

小重山房詩詞全集

怡園集

華亭 張祥河 詩舫

花朝添種雜花於怡園籬落間適得雨雪

志喜

畿南桃李笑春風  
歸弄長錢兩雪中  
一病剛閒種花手  
何妨菜圃著英雄

壽陽相國以余寫寄雪浪石大銅佛二詩  
輒和蘇韻見贈奉答一首

石交筆豁寒雲屯  
一詩巖巖古佛尊  
格律華嚴

今再見沈我病裏暖眸皆相公宣南有綠野并  
脣草木如山村 神饌新賜出 中禁翰林間  
字仍盈門汲泉牽荷任魚樂卧窗著句追花魂  
來詩有春花卧窗魚上盆句我詩偶依雪浪韻淨土更踏恆  
山根玉女秋邊亦霜鬢金仙衣上無塵痕僧何  
示疾輒退院要與舊雨心同論花朝種花小籬  
落脫巾漉酒田家盆前游選瀋各年壯南齋和  
稿經年存

相國又貺和章再疊蘇韻爲報

騷壇列陣東西屯誰執牛耳諸侯尊并州平章  
筆老健一意鬪韻無朝昏雪天窗明伸繭紙飛  
騎來自城南村青年荏苒搔白髮感舊同出黃  
公門山河茫茫酒鑪下千秋雲海招詩魂當塗黃左  
細食笋齋頭客有數春泥刷破蒼簷根後先師  
弟各瀟灑禁園履舄苔留痕吾家橫雲山一  
角史局要與殘僧論清明養病在輦下冷淘坐  
對寒泉盆詩成還往疾羽箭平生結習風流存  
相國又次雪浪盆銘韻卽書雪浪箋上見

貽答謝

塵世那覓蜀兩孫石畫照耀燕郊原江湖奔流  
雪飛翻驚魂一礮英風存采牋縮本玉并盆人  
書俱老黃芽根前因有感知已言何異鶴髮談  
開元

孫駕航侍讀招集同署赴禮闈者四十五  
人於龍樹院以余舊官舍人屬畫紀盛並  
系一詩

文章於此聚似錦好年華會見當階樂中開及

第花張筵同選佛珥筆盡書麻好事孫鴻慶徵  
詩到畫文

孔繡山葉潤臣招集慈仁寺並謁顧亭林  
先生祠翌日畫雙松圖付寺僧有作

一架蒼煙殿角遮春光猶映舊籠紗入門先謁

支離叟被酒還看富貴花

後院牡丹盛開

郡縣名言垂

典冊衣裳高會雜袈裟雙松王

漁洋

許玉題詩後

欲畫虬枝興豈賒

三月初七日病痊 召見初九日卽奉

恩旨署刑部左侍郎恭紀一首

藤廳兩載和陽春

余在吏部二年曾和程相國藤花廳詩

又攝秋

官奉

紫綸三輔文衡辭重任中州臬事憶前

塵

兩任豫臬凡六年

森嚴雲署明刑地龜勉霜臺執法

身愧我何能繩祖武當時聽履上星辰

先文敏公曾任

大寇

符南樵孝廉淮樓聽雨卷子

坐到瀟瀟欲暮天少年荏苒又中年樓頭星月  
常窺客海上風濤恨絕絃  
巖社一湖花瑟瑟雷

塘敷畝草芊芊別裁聞集詩千卷鄭重淮南舊

學傳

君爲周止庵先生高弟近哀續別裁詩二千餘家尙未畢業

### 玉泉山曉直

八夕兩園直西郊路慣經駝灣殘月白瓜市數  
鐙青宦久勞偏習宵涼夢易醒玉泉傳 駕幸  
待上望湖亭

六月二十一日歐陽公生辰林穎叔水部  
招集松筠庵拜公滁州遺象分韻得鶴字  
文臣回翔在館閣胷襟自具閒邱壑當年四十



便稱翁環滁皆山太守樂醉翁吟入琴操中好  
奇者誰沈常博刻公遺象瑯琊山被以宸章

萬本拓

御題純廟

一鐫留置真宋本李晁千年不

可作

李端叔晁說之有贊書後

州城忽值烽燧起此象人間

歎流落神靈呵護入君手文字因緣又京洛釀  
泉潺潺乃雨聲酒冽泉香醅三爵坐中有亭尙  
翼然爲公招得公儀鶴

七夕立秋

可是穿鍼夕誰家倚翠樓  
嬌花雙蜨晚髡柳一

蟬秋演劇長生殿觀蓮太乙舟人天紛聚散何  
事笑牽牛

約稚蘅同作

屐齒無由避苔痕滿曲廊槐花下如雨  
椶葉動生涼  
墅趣隨行得炎氣入坐忘畫師師造化不  
必問倪黃

鳬翁同年招集同人爲九老會卽和元韻  
落落晨星幾酒徒秋涼折簡慣招呼曾成真率  
皆天趣心到和平盡坦途竹葉賓朋今趙勝梅

花眷屬昔林逋小園近更添新綠好聽芭蕉雨

點麝

學得淵明酒養真醺顏喜對晚晴新常聯茵席  
聽宮漏暫借壺觴作散人歷仕三朝成老健  
論交四海有前因就中最愛仙根李六十年前  
折桂身

調李樸園太守  
乙卯重宴鹿鳴

扇子湖卽目

潯暑戛然止天街過雨初隄長行脚健并滿汲  
腰舒漸覺器塵遠還看古木疏扇湖秋一角殘

照亂芙蓉

八月初四日奉 派署刑部右侍郎初五

日復 命署兼管順天府府尹事務恭紀

命權兼尹攝秋官連日 綸音出上蘭臣職持

循其位素 皇畿拱衛此心丹工方代賑防河

亟永定河漫口境有飛蝗掃孽難所盼災區皆

涸復小春三白雪天寬應書十月三白落地

積水潭感懷董文恭公

滙通祠路舊曾諳策馬重經積水潭幾折紅牆

環海子一林黃葉似江南富陽賓從當時盛稷  
節壺觴列坐酣四十年前風景在在川歎逝更  
何堪

十月十三日奉 命授吏部右侍郎仍兼  
署刑部右侍郎恭紀

如水臣心印碧潭敢云銓政舊時諳雲亭拜  
命恩重疊月殿聽宣夜十三拙宦迴翔紆竹徑  
好詩唱和接匏庵同僚幾箇知心在再看藤花  
喜盍簪

署順天兼尹已三月矣十八日復荷寵

命真除謹紀

真除何幸列台槐灾賑時艱廬聖懷計口先  
籌三輔米連莊更設十家牌已慙翊衛初承乏  
敢望星辰漸進階賴有同舟錢閣直詩筒響答  
兩相諧謂會卓如京兆

和觀齋相國題黃勤敏師詩卷元韻先文  
敏公書怡園看花詩卷序云宋熙甯王子  
清明東坡先生看花吉祥寺三百一年爲

明洪武王子楊基清明日有詩貽後之君子  
雍正十年王子清明又三百一年好事者王生  
藻集諸文士於故相王文靖公怡園賦詩今相國詩云怡園看花後九十一  
清明壹齋題句後歲又三紀更則又增一  
段佳話矣

頭白不知老眼尙花前明師門一話舊歲月驚  
屢更熙甯洪武兩王子清明看花如有情東坡  
孟載不復作怡園好事者王生天瓶爲書詩一

首長卷流傳入師手當時南齋踵高會膾炙新  
篇在人口黃公壚下卽山河遺墨還存故園否  
大抵于湖歷兵燹何止依依漢南柳天漿沈澹  
月在盆一心今昔可共論吉祥寺花紅蔽蔽飛  
去西江酒一尊

再和相國見贈元韻

隔夕和詩到山窗雀報明相公呵凍玉梅下閒  
裏不知歲籥更老年相聚在京國五倫朋友最  
有情況同辦香奉涪叟青目幾箇同年生星終



三紀一回首公是文章脩月手書畫堆中眼獨  
明好詩不欲傳凡口前街冠蓋朝天客問有  
心閒似公否尺縑零落歎看花東角荒園永豐  
柳我聳吟肩楫拙盆尖叉疊韻待重論六花肯  
爲六龍舞快雪同開北海尊

余畫雙松圖付慈仁寺僧懸之方丈一夕  
爲偷兒卷去僧走告書此爲答

似此偷兒非等閒天龍一夕走禪關東方桃熟  
仙無奈子敬檀青物豈慳莫仗神通爲鉢呪再

求真手卽珠還明當寫就蒼髯與圍住徂徠四面山

丁巳立春日賢良門外偕黃壽臣京兆進春牛圖恭紀

月明如畫進春山相約花衣觀聖顏已歲全牛藏穀富芒神雙髻執鞭間一冬盼雪甘霖補二麥占雲稔兆還忝尹京畿聯絃佩好紆籌策濟時艱

三月廿七日集同人花之寺看海棠

豐宜門外花之寺折柬招邀看海棠隔院雲霞  
開畫本當軒釵珥助妝光蒼英有客拈紅豆謂陶  
鳧翁有紅豆詞臺諫多情奏綠章謂諫垣諸公乞得春陰須  
護惜酡顏拚坐到斜陽

廿九日又集同人極樂寺看海棠

國花堂上有清暉成邸留書墨采飛綠酒移來  
春事暮紅雲捧處早朝歸鄰鄰曲觥寒泉引步  
步脩廊錦障圍誰指畏吾村舊碣茶陵游蹟贍  
芳菲

四月初八日喜雨

畿疆得雨報豐年  
禁苑同慶喜雨篇  
佛誕澤隨慈蔭降  
雩壇誠恪致齋先  
麥盈南畝香都活  
雲歛西山勢尙縣  
尤冀溝渠霑且足  
遺蝗盡化入淪漣

怡園牡丹得雨而盛

海棠時節擾風沙  
天意偏憐富貴花  
潤自流根扶綠葉  
恩如灌頂綻仙葩  
商量宴客陶公榼  
準備詩李相紗  
宣武坊南堆錦地  
勝遊多在梵

王家

何子貞太史夜過怡園索飲頗醉翌早登  
陶然亭有作次韻爲答

京華素交吾與汝呼飲隔籬花解語鐙前按拍  
劇有情花落春歸誰是主狂風如虎生峭寒首  
夏不識清和序君爲杜鵑題一縑我爲遺蝗檄  
三輔思鄉各自不歸去湖上莼絲滑釵股大官  
日昃不遑食火急文書籌餉苦灾荒往往兵燹  
後人望天公降膏雨方今 零祀 帝親臨昭

格崇壇肅籙俎連朝甘澍徧麥田自葉流根潤  
含咀我從看雨後看花攜酒偷閒天或許側聞  
江亭成獨往回首前游迷處所時光慨嘆一剎  
那草銜長帶桐垂乳杜陵儒冠空自憐致身稷  
契語亦顛何如洗心退藏密靜求無事常陶然  
奉答臯翁見贈之作卽次其韻

從來大隱隱朝市天與先生赤舄閒娛老詞章  
當絲竹遂初心事在湖山青琴響絕悲長往丹  
竈溫留得大還所願廓清詩世界不教兵甲擾

人寰

子貞和鳧翁詩見贈依韻奉答二首

聽罷啼猿萬里行歸來江左未銷兵閒情翦韭  
招紅友直節彈蕉比綠卿欲爲名場扶世教誰  
禁宦海換郵更海行以房山昨早支印上潑墨

圖開雨壓城

君甫游房山

看竹看花仄徑行衝愁全仗酒爲兵奇才我愛  
風騷將尤物人稱骨鯁卿禿管隨緣真草速家  
山人夢歲時更相留且憩雙松下漫與何歡唱

渭城

君有山左之行

閨端陽鳧翁年丈招集寓齋子貞後至出示詩扇依韻奉酬

珊珊遲客蒲觴進出袖詩來滿堂韻散却炎威  
紈扇涼洗將渴眼晶盤潤兒童重挿繭虎行主  
人喜賀端陽閨風來麥隴已有秋雨禱龍潭應  
勿吝朝聞溲水捷音至賊巢攻毀堂堂陣犄角  
看銷江上烽 詔書交敘軍中俊吾家遠距鐵  
甕城翁家近得金閨信同對葵榴節序長同傾



隔歲蘭陵醞不辭荷露碧一筩難借松煙黑雙  
鬢何郎霧夕風流句紅豆詩心輒相印高詠琴  
箏助激昂長年腰脚何輕迅養花庭角如養雛  
市畫街頭如市駿我愧少翁年十三同譜丁年  
曾一瞬還朝猶憶稱陶張並坐藤廳問芳訊余甫至京與翁同官吏部

子貞詩來以官軍收復溧水伊江南之游  
或當不遠復疊前韻答之

酒兵我退君還進三讀君詩忘疊韻喜見東南

報捷書何殊久旱逢甘澍天心厭亂憫蒼赤那  
任黃楊終厄閨煌煌廟算慶得人上將酬庸  
天不吝鄔山尖山經痛剿火軍奔散長蛇陣  
生擒亦有僞丞相死戰豈無古英俊北固山高  
賊勢孤坐聽瓜州解圍信君也東歸不爲鱸江  
干野飲多佳醞縱橫越舫鑑滿檣窈窕吳娘花  
壓鬢不妨身作玉局仙侍有朝雲僧佛印今茲  
息影在京洛草長鶯飛春事迅海國何嘗困大  
鵬天閑終見收神駿時平世教先富庶元氣

斡旋真轉瞬頌到中興漫郎筆故宅悟溪重問  
託

閨五望日誠園小集池上卽和子貞元韻  
難銷閨暑日如年野眺同來一豁然紅菡萏邊  
香在鏡綠靡蕪外客呼船邀將涼月剛三五埽  
却緇塵已萬千堪笑厨奴嫌坐遠不妨肴饌隔  
花傳

再疊前韻答子貞

霓裳偷得李龜年一度聞歌一惘然君爲江潭

懷漢柳我從洲上想吳船葵榴不覺花時再蒲  
艾何妨醉日于有此驚人元白句旗亭萬口任  
流傳

慈仁寺柏槐亦數百年物余旣爲雙松補  
作直幅壽陽相國更屬寫橫卷張之寺壁  
與蒼髯相對不至寥寂云

寫過雙松寫柏槐層陰蒨鬱一朝開得真色相  
諸天喜儼古衣冠四皓來搜剔荒山經特識沈  
淪大海幾雄才佛堂爲語勤持護老衲低頭正

掃苔

相國以詩督畫次韻爲答

松下動筆幾百載我年愧今七十三相公徵畫  
到槐柏好詩一紙揮雲藍倪迂有圖六君子此  
二君者如莊聘金元神物共瞻仰誰從勝國追  
前談漁洋雙松一唱後和者天玉吟毫含未曾  
提及乃闕典向隅磊落人何堪今寫英姿九霄  
上蒼官相對煙霞酣君不見寺中舊懸羅漢象  
乾隆間勝果妙音圖金容凸起毛髮毳閭陽布  
係閭陽傅雯指墨

衣工指墨後之學者多生慙鄙人放膽傳公側  
未必槐柏心所甘公如寫此亦爾爾帝子與下  
龍鸞驂嗟哉古貌閱人代慧根參澈消愚貪游  
塵十丈飛不到來雲去鳥終古存荒庵

輓陶鳧翁年丈

榴花重插閨端陽走馬招邀會正長天不愁遺  
香社老人何堪此酒壚荒閒中纔領辭官味病  
後難求返本方健步三千工導引騎箕竟爾上  
空蒼

廿五科前舊翰林回翔中外二毛侵兇鋒也讓

仙班肅

指文穎館事

福曜同瞻使節臨三輔採風勞

手槩太常飛蝶上朝簪西山無恙青松色常照

耆臣歲暮心

憶訂歐陽金石編漁莊回首泖湖邊

謂王述庵先生

年聽雨宜春夜四海論交盡大賢晚節黃花三

徑在好詞紅豆一家傳玉田集與堯章集有數

姜張得並肩

似此靈光魯殿尊追隨何幸笑言溫藤廳並和

看花句紫禁同叨 賜騎恩高議直該軍政要  
素心豈與面朋論從今陶令風流盡怕過城西  
五柳門

子貞再示疊韻一首復和爲答

詩能行空忘鬪韻如猿叟者無二三前生慧業  
種瀛海此生禪悟開伽藍古松槐柏蒼翠裏猶  
龍之筆詩中聃日來濶疏跼塵事無由隔巷招  
英談幽蘭當晨新箭發高荷過雨紅苞含吾齋  
留君一拄杖不聞足音悶豈堪青州從事速君



至百篇助興爲沈酣清猿吟嘯天脉脉老鶴起  
舞秋毵毵萬卷書行萬里路餘子凡響徒增慙  
然而詩中有勁敵退避三舍何能甘竊效其體  
快伸紙追風逐電雙虬驂太虛在室君不吝觀  
化匪禁吾尤貪詩成相對各狂笑還質放翁老  
學庵

謂壽陽  
相國

立秋日次子貞韻並望江南捷音

蚤聽山禽隔雨呼晝長無事了詩連夜來酒約  
常雙盞老去歸心在五湖勲略應推羊杜輩

謂滌

生嘯歌不讓阮嵇徒秋蟬聲裏秋風起南望江  
帆十幅蒲

立秋後三日歐陽公生辰王少鶴白蘭殿  
招集同人拜滁州象於慈仁寺分韻得賢

字

稱翁四十守滁年遺象巖巖宋本傳 純廟賜

題真盛典故家流轉信奇緣是象表文達公出使江南攜至京求

御詩并首發還滁州閱山河眾仰文章聚潞

久流轉今歸林穎叔水部鄭同稱夢卜賢後起書生薦琴醴秋聲賦外夕

陽蟬

奉答慧秋谷制府見懷元韻

神交一見便心盟世路何知有大橫  
裘帶春容

儒將度琴碁冷澹謫仙情六朝濡筆邊塵埽

君著

科布多巡一佛觀河鬢雪明最憶初權燈月夜

邊日記樊樓接席話深更

送宗滌樓觀察之官東河卽題其紀夢圖

後

彈蕉未罄此君心浩氣曾無俗慮侵汗漫游蹤

天姥外荒唐夢境古槐陰三生鐘梵樓前月萬  
頃風濤海上琴一樣冲襟渺天際回頭還戀五  
雲深

七月十八日酉刻得六兒卽和子貞太史  
見賀詩六首

昨夕庭除滿月光陡傳喜報出蘭房試啼多感  
鄰翁意六首詩來寵六耶

垂老生兒怕客嘲客催湯餅未全邀今年長夏  
剛逢閏彌月來聽八月潮

蘭湯浴罷襖紅羅繫臂黃家握印戈堪笑相公

傳謔語金臺雅化作人多

謂壽臣京兆先於前月二十五日得第六

郎翁相國

遂有此謔

已命長生日主推不知是俊是庸才怡逢五老

明朝會要乞游河福苴來

閒喜青紅結隊行忙時亦厭棗梨爭向隅尙有

雙紅袖惆悵年來聽瓦聲

老夫身比老梅癯節欲兢兢絕欲無卻愛香山

詠雛鳳洞房門上挂桑弧

孫駕航儀部紅橋舊遊卷子

耆舊揚州接古歡二吳題墨篋中完水明樓外

千楊柳憑遍紅橋曲曲闌嘉慶癸酉余留揚州二十日徧遊諸名園

是時吳穀人山尊兩先生均作寓公斯夕相見極談燕之盛

袖得仙霞使節旋蕪城朝雨一停船師門問字

成長別目斷黃壚白塔前道光戊子余典闈試旋京道出揚州謁座

主劉金門先生置酒湖頭不意遂成永訣

閱歲亭臺盡薜蘿更無羅綺奈春何東園賸有

花如雪買得車螯擔酒過戊子以後余數至揚州年復一年湖上諸

園盡廢最後辛丑在東  
園看梅尚存二百餘樹

### 壽陽相國長夏勘書圖

天寬地窄小茅廬有讀書人此退居鄰寺松陰  
攤飯後斜街花信試泉初更無良產貽雛鳳肯  
使奇文飽蠹魚吟到團團馬頭月方山歸夢竟  
何如

### 重九前一日陶然亭小酌卽和子貞韻

惹得人呼李郭仙花餘喫在插萸先荒蘆雁外  
皆霜信冷雨鴉邊欲暮天白傅狂來詩是債杜

陵老去酒爲年不辭澹墨揮團扇江月隨人處  
處圓

送何子貞太史主講山東樂源書院

謫仙半載玉京留隔巷催詩氣味投邀月深杯  
常盡夜臨風團扇不捐秋閒來姬侍環松竹老  
去朋交狎鷺鷗一樣豪情橫槩在任人稱作醉  
鄉侯

耆英高會日方中出席俄驚馬首東  
拉君入九老會不告  
別而天未行雲真浩浩花前別酒太忉忉壓裝金



石征輶穩揮筆龍蛇畫燭紅我爲濟南名士幸  
大明湖上盡春風

十月二十七日得長孫得兒志喜

聽報蘭房浴水溫擎來繡襦喜盈門七旬燕翼

承天問臣年七十三會召見垂詢三世蟬聯

荷國恩大兒以二品廕生觀政刑部竹裏筠枝剛入抱花

前香祖漸稱尊礲礲頭玉驚凡目敢比蘇家蘭

里孫東坡賀子由得孫詩况聞萬里孫已報三日浴

景秋坪少司空出使朝鮮同人祖帳宣南

詩以贈行

綠波彌望鴨江橫  
臘尾春頭別酒傾  
丹闕銜書從北下  
陪京捧日向東行  
詞章白傅雞林重  
儀表端卿島服迎  
他日卻金亭紀勝  
好傳清節滿滄瀛

題寄泉明府莊光私印冊後亦反離騷之一解也

風雪荒灘一釣舟  
先生身外只羊裘  
千秋若論逃名意  
未要文房小印留

戊午穀旦潘紱庭招集寓齋

素交吳會結蘭因老去徧於綠酒親入座好花  
都向日當筵飛鳥更依人南齋鶴和傳聲近  
御筆龍書照眼新似此尊榮翁獨領酡顏贏得  
十分春

天街賀歲客填門數到鄉園笑語溫豐麥青占  
巖雪壓捷旗紅盼浦雲屯梅花隔巷詩三疊柏  
葉新年酒一尊遲卻次公來把袂藤廳舊句要  
重論

先文敏公仿范氏義莊置田千畝贍養族  
人閱今百三十年祥河復增置千畝奏請  
立案載入志書得旨嘉獎並賞御書  
誼篤宗支扁額恭紀二詩

仿置希文附郭田又繩祖武畝盈千叨蒙厚祿  
天家賜期望寒宗世守賢古誼可風綸綍  
下先疇常稔泖峯邊他時若得錢公記新舊山  
莊志乘傳

親揮御筆萬幾閒載聽樞廷寵命頒天

上寶書光日月江南佳話動鄉關  
七旬志忼榮於袞九族銜  
恩重若山一角橫雲祠宇在好  
摩崖石耀人寰

龍樹院晚眺

當門龍爪樹紛拏一角江亭入望斜  
霜信中原隨雁到女牆圍住萬蘆花

蘆花如雪向晴飛刀尺家家正授衣  
我是煙波老居士歲寒那不憶魚磯

吳鮑風流草草杯顧朱題石又荒苔

謂吳蘭雪鮑覺生顧

南雅朱椒  
堂四公

前塵幾輩看山客  
臘有秋聲賦八哀

長星明滅朔風塵  
酒盡燕姬六代豪  
絕唱漁洋黑密廠  
何人楓菊又登高

十一月初九日  
授左都御史謹紀卽柬

### 西垣諸公

蘭臺領袖愧新除  
垂老才荒等櫟樗  
三輔久兼

京兆職仍兼京尹

九天剛拜  
聖人書近以義田贍族蒙

賞御書誼  
篇宗支額漫希直  
節乘驄後曾獻芻言  
御極

初今上求直言御極之初詔  
會具陳五事  
袞袞諸公皆石友  
素

交造膝未應疏

二月十四日充各省鄉試覆試閱卷官謹

紀

宣來 寵命自 丹霄鄉薦同看覆試招星驛

車塵先計吏風簷筆采豔花朝子十五日舉一堂

剪燭奎光聚六代迴瀾 聖訓超乾隆朝一

道懸聚奎堂是日十四省聯人八百相期雁塔

姓名標

送黃翠農河帥之任東河

白雲亭上拜 恩綸東指長隄露冕巡才略恢  
張成大帥河渠熟讀本通人開顏會見安瀾慶  
造膝先叨 賜墨新特賜詩墨刻御動我將離無限  
思豐臺花事已經旬

郊行

塵眼不勝渴湖光春滿隄小船隨鴨陣枯樹當  
雞棲客夢橫雲岫鄉心罨畫溪野花何處好新  
酒問偏提

偶成



米囊花發雨如絲  
有客臨風被酒時  
惆悵鄂君堆繡被  
夕陽紅到上鐙遲

風信連宵月暈圓  
六街飛絮欲漫天  
山僧不解東皇意  
猶向沙隄送杜鵑

慈仁寺弔戒師

重過慈仁寺禪房  
失戒師依然松樹下  
無復牡丹時  
封土隆隆起山風  
故故吹涅槃  
知不憾晉相有題碑

邢相國

五月二十六日蒙 恩擢授工部尙書謹

紀

忝領臺垣剛半載冬卿海濯荷綸章敢云繩

武星辰上先文敏公任刑部尚書差幸依光日月旁專

席恰符三獨坐彭詠莪相國管理工部曾任副憲綿竹坡總憲現署工部尚書

一堂難得四同鄉帆謂詠翁暨潘星齋宋雪軒兩侍郎均籍隸吳中多慙

水部詩名在東閣官梅例有香

六月初九日萬壽聖節侍宴同樂園

恩賞如意等件恭紀

拜飈禮畢又分舊同樂園中末坐叨正大光明殿行禮畢

卽趨同樂園觀劇預派者樞禁前塵頻橐筆最

四十六人分東西邊入坐液池新漲喜添篙均往還園中

軍機章京時會御園八次

隨班屬國恩尤普阮孝銓西邊另間末坐

奏樂鈞天聽最高今日卷阿賡盛典駢蕃

何止賜宮袍

謝董醞卿京兆疊惠新蟬六月黃

擣醬調齏幾壳香多蒙一再惠承筐扶疎菊外

思彭澤郭索琴邊對杜康君本橫行才不世我

持左手酒爲鄉吳淞舊夢廚娘熟忙裏休忘六

月黃

曩與星齋侍郎在吏部和藤花廳詩忽逾  
四年茲官工部藤陰雙架彷彿似之

昔同官吏部今又掌冬曹一樣藤垂屋雙身架  
更高綠陰移曉月紫氣上 宮袍有句還分和  
因花慶所遭

盆池

盆池發小荷風瞥花尙妥塋鵲來兩三翩向池  
邊墮濯羽脫炎垢作勢襟斜軀依依不復去忽

行忽起坐凡物要靜適喜此石嗟嗟誰知至靜  
中諦觀有一我

如舟

平生萬里舟乘風輒破浪一從宦西北車輿苦  
塵障茲喜值御園昆明湖在望煙波相浩渺  
鄉夢入清曠吾齋拓三間春水如天上得閒此  
坐觀林花與人向吳松念故里漁莊有高尙王  
菴先生三幾時青笠歸白髮身無恙  
漁莊

書所見

阮孚驚喜弟兄多十斛醇醪一室羅剎果聲中  
香纂纂太常仙蜨忽來過

寄何子貞

每逢婪飲輒思君千佛山頭隔暮雲棗下誰還  
歌纂纂花前枉自蝶紛紛縱橫聊老青筠杖狼  
籍羊欣白練裙賸有明湖堪洗眼閒鷗三兩尙  
成羣

訪花之寺

太息花之寺雙株失海棠西江題額舊

曾賓谷  
翁題額

故相手栽荒富陽董相國競菊稀秋色殘僧倚夕陽  
惟餘鴉軋響菜圃轆轤旁

慈仁寺小集和祁相國韻

禪寮望近相公家尊酒招邀一徑斜  
畫短分曹還刻燭秋殘縮本尙留花  
哦松堪笑偷兒癖拄杖難忘故衲茶  
方岳梅邊詩句好梅邊不礙雪  
槎枒

又贈子貞二首

猿公所到卽爲家  
酌突泉邊客帽斜  
厯下同尋

前度夢

余官山左  
繼道六年

曹州豫辦次年花

近種曹州  
牡丹許來

歲有花

十枝貽我真筠管八餅酬君只乳茶塵海

知交能有幾開襟頓覺釋槎枒

土龍夢到故人家昏暮譚元麈尾斜浩刼應知

天厭亂苛條那顧地栽花聽猿實下三聲淚向

佛終叨一貼茶起看峨眉山欲雪愁雲罩住萬

槎枒

子貞題余西溪圖次韻爲答

吾家西溪古梅影花外橫塘波十頃兵燹不經



溪上莊避地幽僻梅花香黃冠幾人儼古樹秦

亭名山遺老多風度交蘆雪裏紛天葩似雪非雪

一片花交蘆菴舊名一片雪花間舊藏數椽屋香光眉公

句可讀交蘆菴香光題水山舒水緩春放船梅

花而外別有天吾祖逃禪欲忘世釋典胷中具

根蒂十閩使旋歲云晚信宿茅菴不知遠先文敏公

典閩試歸總此菴再來吾恍踐前諾詩筆何能閑處著

百五十年一彈指佳話當時滿朝市余戊子科典閩試距

先公百五十年今在京門想六橋殘冬四野風蕭蕭天

留嵒臺君掃雪客話松陵我耳熱幸哉西溪展  
此圖得君題詩真愛吾吾願西溪變成酒味至  
極清適君口君喜清酒醉寫官梅稱意苔東閣花對  
何郎開

除夕

吾年七十五髮已白如銀辭歲添嬌客遣嫁第五女甫

及一傳衣感相臣緣貂朝衣舊係文秋潭相國所贈相國詩云一裘不改新

花樣已染天香四十年春盤閩海橘門人林勿邨殿撰分惠福橘家饌

迎湖菡細聽銅壺漏明朝拜紫宸

凡事封門後除年取次裁整來冠上翠補到晝  
中苔婢亦看新厯奴能認舊醅地爐今夕火專  
爲未開梅

福壽延年集

福祿駕集

華亭 張祥河 詩船

庚申元旦 太和殿筵宴禮成恭紀

丹鳳銜書賁曉暎 太和殿上奉 堯樽鼓鐘

聲裏威儀肅燕雀風前氣候溫極北嵩高呼

聖壽江南齒長沐

皇恩

昨蒙召見上云江南大員中以汝年

七十六歲為最長

側聞

天語銷灾沴

是日御詩有消沴除灾仰

句 瑞雪從看集九闔

十九日小宴廷

臣蒙

賞如意玉駕鸞麟

福祿駕集

袍大緞蓮頭香杭緯官瓷等件恭紀

連朝趨

禁苑

昨預上元宴

小宴及廷臣六部分行

坐三清奏樂新觥稱光祿釀席具尙方珍早

歲鈞天夢今知際遇真

曩夢三百歲僧餉天漿碧玉葉嗣直樞廷彷彿

之遇

李樸翁八十七歲生子詩以賀之卽次原

韵

多壽多男安用嗤養生有術自家知別將耆老  
虛嘉會歸擁菟裘得好詩環膝翁真添玉樹閉

關我已放楊枝何時清暇來京國待看抓週進  
一卮

二月十六日蒙 恩加太子太保銜恭紀

闔澤覃敷 壽宇開連朝瑞雪滿金臺拜 恩

忝附公孤後顧分慙非輔翼才繩武百年洵異

數先文敏公會作朋三老亦叨陪謂燕山相

辜贈太子太保此生何幸增頑健都是 中天錫福來

箋賀彭詠翁相國元旦 賞戴花翎詩卽

次元韻

元日元公賦早朝興頭 恩重弁羣僚簾與樹

下真披翠 紫殿風前好珥貂杜律移來增典

雅謂用杜詩大司馬侍中貂一聯天然典雅貢冠彈處極逍遙讀書

折節新豐語相業他時數宋姚

楊利叔孝廉南山滄茗圖

坐輿便出爲看竹拄杖未來且喫茶却憶揚州

阮公句東園春在玉梅花

楊州東園梅花五百樹有阮相國楹帖書此

十四字至今憶之影事前塵可助茶話一則



蓬廬相國移寓與余居一墻之隔喜和香  
山與元八卜鄰詩韻輒復勉和

前塵遇我宿心親元老今看自在身小住移來  
陶徑菊大還夢到尙湖春少陵尊酒應呼飲季  
雅千金爲得鄰兩世百花頭上客家慶海內更  
何人

公子殿撰  
娛侍左右

集同人極樂寺看海棠

主客圖開爲海棠錦屏圍住國花堂時光綢爛  
三春閨世界婆婆極樂場堊蝶翩翩如舞綵階

泉汨汨好流觴連朝難得濃陰護不待通明奏  
綠章

潘星齋侍郎桃花紅煞釣人居圖

色界迷人總此花江南春在畫師家湖天儼豁  
紅雲路便欲從君上釣槎

星齋少司空爲其幼子祖楨畫花卉冊

太古春何在還從造化尋畫名追玉几家學度  
金鍼澹遠仙無界精堅佛有心茫茫塵海裏若  
箇是知音少司空西河之痛刻不能忘當時公  
子侍側傳授畫法條然有塵外之契

良可  
慨已

蔣叔起侍御招飲卽事

比鄰過訪徑開三別墅移尊一醉堪春去不嫌  
花晚放闌來最喜客高談海蟾挂幔圓尤朗野  
竹登盤穉亦甘等是無家無避地鄉心多在大  
江南

花之寺和叔起韻兼示曹嵐樵給諫

豐宜門外尋春去花氣烘人紫陌風香社閒情  
思白傅素交樂趣要車公過墻松蓋搖空碧堆

砌榆錢襯落紅種麥田家齊盼雨桔槔聲在寺橋東

張柳洲都轉韜光寺圖

蘸筆西湖畫境寬畫師胸有萬琅玕吉祥雲裏乘槎去親捧龍君赤玉盤

祖硯留遺手澤培辛科喜見伯孫來

文孫鴻順以今科拔

萃來京余往歲在順天學使任內所得士也

通家大有因緣在早識

平原作賦才

唐堯心重宴鹿鳴詩

翠弁白頭翁  
鱣堂舊望崇  
經人是師表  
科第有門風  
宴入笙簧再  
春生杖履中  
大椿真不老  
嶠晚霞紅

五月十三日陳小舫太史爲余占六壬課  
甚利是日適得小飛雲石於厥肆賦此志  
喜並謝太史

盥手從君叩六壬  
連珠明鏡惠深深

唐藝文志六壬明鏡

連珠歌一卷

熟聞妙諦銀河棹  
片石支機得賞音

似此嵯峨見亦希  
非常遭際奪標歸  
側身儼入

飛雲洞頃刻垂天五采圍

海舶寄到家釀四罈詩以志慰

十年家釀醇乎醇航海遠送真可人我攜兩孫  
嬉且笑當階開看甕頭春

吾家昨歲被戎兵老屋迄未狂風傾東歸先得  
此左券他年飽啜鱸魚羹

廿四日詠我相國招集宣南龍樹院和韻  
呈教

龍爪槐陰別有天江亭風月落尊前多公手紀

游河盛樓數睢陽五老年

聚散空塵海上漚黃羊野馬不容愁連珠合璧

臨張宿轉瞬奇祥八月秋

本年八月朔辰刻日月合璧五星連珠同

會於正南方東偏張宿度丙主天下文明

席上分韻 得七字

隔城折柬招翼至後十日納涼在蘭若小樓風  
瑟瑟吾攜五老圖乃是香光筆當年瑯湖濱眉  
公望相匹須髮皆蒼皓同此會真率誰欺仿畫  
禪岩壑寫清逸園開菊徑三客聚竹林七後約

各乘興貴疏不貴密

長洲彭相國索題東林山榴皮仙蹟

白酒釀自東老家呂仙過之醉筆斜好客收書  
誰悟得世間樂事原無涯

秦中曾讀海蟾碑

劉海蟾碑以瓜皮作書世稱瓜皮碑十韻詩成

字字奇今喜東林留古篆瓜皮臨罷又榴皮

神物沉淪已十年貞珉付勒重彭籤他時安置  
白雲觀燕九嘉辰會列仙

雜興



睡餘一啜午時茶排悶看書日又斜不怠鳳池  
曾染翰小窗還對紫薇花

兩院逢高露頂涼槿花紅過小園牆趁他好雨  
剛深透亟種琅玕十數行

眼界由來做五湖甚時歸計遂菰蘆盆荷莫厭  
花開晚過雨先擎掌上珠

豆巷風帘晚市忙青荷葉露小瓷裝有送荷葉酒者分

明姬侍西園集王晉卿家出碧香晉卿家碧香酒東坡稱之

環水籬荒水榭幽瀟瀟槐雨送歸舟酒醒却憶

橫雲岫荷渚菱塘已早秋

寥寥人影在平沙皎皎清光月半斜一點游塵  
無著處隔村如雪萬梨花

花皆含雨翠鬟偏柳自搖風淥水妍極目懷人  
人不見一絲斜照萬鴉天

湖天風絮絮花高莽莽長堤沒野蒿嘉樹底須  
尋董墓堆盤贖有石窩桃

垂老宜栽老少年秋葵相映日華邊杜陵白木  
長鐙在更捕雞冠與鳳仙

桂花時節想金閨  
豁我塵眸白粉牆  
漸聽吳娘柔櫓近  
許關已放滿城香

聞葉桐君學博客死張堰詩以弔之

吳江司鐸鬢毛蒼  
人與琴亡亦可傷  
不信生前才磊落  
偏遭亂後境荒唐  
一尊顧影空耆社  
獨客招魂自壻鄉  
醉白池頭三宿處  
那堪花竹黯斜陽

寄懷何子貞太史

聞說輕裝返道州  
千戈塞路使人愁  
不知漫宅

幾時掃除却愚溪何處游愛土定難新夾袋登  
山還裹舊貂裘怡園三載相思苦松已蒼蒼竹  
已脩

顧亭林生日致祭慈仁寺有懷祁春浦相  
國

鳧翁化去公歸去主祭耆年獨我推地僻尙看  
仙蝶過謂太常仙蝶天晴恰好花開懸車朝政無  
由悉堅壁詩壇有數才三過留傳方外契戒師

碑在最高臺

公爲戒師立碑

玉舜妹避亂鄉居年已七十六歲寄此爲

問

我身京國心里門苧城被擾烽烟屯海圖舊繡  
不堪問茅屋荒苔安足論明遠郵書大雷岸元  
暉留畫大姚村米元暉有妹居大姚村圖藏其家古賢兄  
妹動關愛汝今播遷何處存

自題小飛雲館

黔雲萬里飛仙蹤小飛雲者其猶龍列石下上  
橫且縱若離若合無疊重山雨欲來簾幕封杳

靄一色堆青濃客問先生磊落胸石交幾人何  
適從先生鄉思在五茸此乃望中吾家之九峯

### 早餐

吾窗尙粲然齒力究不堪早餐愛蔬菜籬豆苞  
方含隙地拓半弓綠意何濃酣諉草花金黃其  
下雜芥藍愈嫩愈肥脆雞臛非所甘羣鵲當階  
行靜中禪悅參亟命啟家釀醪味真醇醴

### 詠竹

瘦枝扶出玉珊珊步幃居然坐右環朝士青詞

書秘院闡人翠黛學秋山初陽隱隱三竿晚一  
色猗猗十畝閑頗憶韜光琴筑響揮龍滿地接  
禪關

過陶然亭憶曹嵐樵

陣雲將雨罨高城與客追涼試一行狂蝶穿來  
花有路亂蟬噪得樹無情井垣隙地平沙淨瓜  
果斜街晚照明却上江亭成小憩年前聯句尙  
題楹

同人稱觥天甯寺爲長洲相國七月七日

七十壽卽和原韻

老壽香山詩謂將自在補蹉跎

香山詩以閒爲自在

將壽補蹉跎

今朝揖佛來看雨此地憑高可放歌戀

主恩深參國政洗兵水淨仗天河微聞遠避門

闕客靜默談經別趣多

秋葵

客言葵種多秋葵獨娟妙澹黃花綴瘦高杖移  
種花臺四圍繞主人愛此輒手灌期爾增鮮朝  
日曜爾果一日試一花心得所好口常笑亮哉



秋葵獨娟妙

紱庭京卿和雪浪石韻題余小飛雲館謹

和奉謝

列石坐石風煙屯客來賞者時一尊竹中深屋  
輒忘暑天低雨氣當窗昏昨寫九峯寄鄉思外  
綴花木成江村小童隨時報漏箭馴雀爲我看  
籬門翩然偶引太常蝶極靜會不驚花魂今君  
投詩語飛動似亦愛此蒼厓根壺中九華得幻  
影齊州九點無塵痕玲瓏宛轉若相比仇池蛾

綠可與論奇哉坡仙有同癖君借其韻雪浪盆  
東南軍火尙未息吳中幾家林壑存

更漏子

新種芭蕉聽雨拈此

嫩芽長長袖舞卷起一庭涼雨涼雨滴又深更  
深更獨自聽聽不盡還添陣陣雨礙將花信  
花信遠一聲聲聲中環佩迎

記夢

芳溪橋頭水閣開擣薺香裡客銜杯早潮親見

收漁網尺許銀鱗入饌來

星齋繪西番蓮賦謝

移將番萼報番瓜

昨貽我番瓜

圖繪司空仿昔耶別

有西天身萬里擁裘儘看雪蓮花

玉佛龕供花圖爲星齋夫人作

玉殿仙官玉尺持及門羅拜到階墀誰知奉佛  
心閒靜供了蓮花合掌時

太常仙蝶

一度花開一再過仙乎與我獨情多城南不少

啼鶯處愛聽詩聲抱碧蘿

輓門人何杰夫中丞

秉鉞黔中剛奉詔平生氣節獨盤盤蠻天親

筆飛牋到

致余書皆親筆

宦海危厓負擔難籌餉中宵

頻警枕乞援間道慣扶鞍如何一死辜恩遇

望斷牂江夕照殘

畫閣

畫閣成清閼迂哉亦弗嫌竹深常側弁蘭靜不開簾有物憑中聖何鄉戀黑甜烟霞方爛漫那

任歲華淹

陳釀

送酒誇陳釀藏之又七年今朝色香味珍重菊  
花前

筋力不辭詩

筋力不辭詩陳言我信之老來誇特健樂此竟  
忘疲難得仙心暢何年俗骨醫花前寒料峭已  
覺負暄宜

追輓周廉叔孝廉

文采風流本夙根一鞭傾蓋到王孫特開畫境  
烟雲活愛入花叢笑語溫七怪名場才有數  
副車出陳七香先生門下時有七怪之目半生春夢了無痕秦關猶  
記留鴻爪南北山頭萬馬屯  
君爲余作南北山閱兵圖

正脛樂府

老齡樂府

橫雪秋興和顧基士太史韻

南商調備江仙

好事從頭都說了解人興與秋

高西風黃葉晚蕭蕭聽殘銀甲後紅友薦霜螯

金索挂梧桐

山香三徑飄山月三更小記否憑

闌曾博得紅兒笑搔頭礙柳條上蘭橈看擲卻

腰支過畫橋幸虧得吹笙自有雙成到誰不曉

吾輩情懷濁酒陶真難料是天際扁舟不用招

有幾客攜了盤肴有幾客解了茶瓢更襍被籬



門到

子壽子權占心  
梁未南一諸君

前勝

清溪水

一條若箇溪前釣不問升沉我樂

魚知道蓬池夢一遭硯池均映滿縣花枝仙吏  
似藍喬好避將周子移文笑但種了劉郎去後  
桃公無惱蕤絲世界長秋潮不拘你鶯底傳嬌  
月底修簫只還我書生貌

前勝

家鄉樂最饒不識流年老不聽秋聲只見

秋光好黃公是石交

硯北翁

慣招邀有嬾舫怕園

路不遙

桐君學博

纔讀過珠蝦蠶豆新詞草又唱起

落木蓮庵曲調高儂傾倒唾壺擊缺想空勞想  
那時葉葉梢梢墜響紅椒老人詞集名甥館裏馳名  
早

劉潑帽

如今小住花溼好覆殘棋清話通宵芒

鞋隨意蹂芳草一舸搖還傍著汀洲蓼

前腔

如今霞外亭亭表十年來脫卻牢騷鳳棲

那厭梧桐老夜雨敲還守著紋窗小

前腔

如今蓬徑爲君掃任閒雲到此題餽橫塘

好寫詩人照水墨描分主客張爲橐

尾文 秦雲那比江雲妙重疊花牋重又賺把美  
景良辰都負了

答雲生見贈之作仍疊前韻

南商調臨江仙

百種元人都過了蒼茫玉笛天

高伊誰解聽雨蕭蕭四絃橫膝上郭索走雙螯

金索挂梧桐

荆花恨海飄繡履胭脂小諸將降

旛生怕墜樓人笑銀河只一條泛輕橈有客犯  
雙星抵鵲橋神妙處清談娓娓秋毫到還寫出  
淡淡詩懷處士陶論才料喜滾滾塵中絕代招

準備著野蔴山肴石枕江瓢聽唱徹鸞鳳到

前腔

琴溪水兩條那問陵陽釣中有才人小李  
人稱道風煙夢寐遭敬亭切算謝守高懷梅老  
並松喬那鹿裘不見瞿硎笑可開徧汪倫水上  
桃休煩惱過江春樹綠如潮擁出那髻淨鬟嬌  
天籟笙簫寫不盡青山貌

前腔

良田筆未饒誤豈儒冠老真箇男兒到古  
長安好他山滿舊交酒旗邀翰墨因緣海外遙  
誰不曉昔年岐下庭生草又看那今夜鄜州月

色高重傾倒者番鎖院校文勞探明珠蠶市波  
梢網眼如椒佛頂上圓光早

劉潑帽

仙乎詩筆游仙好蕩行雲夢斷涼宵多

情緣徧天涯草畫船搖可可的紅欹蓼

俞腔

仙乎畫筆風塵表倩芳蘭先畫離騷畫蕉

畫竹溪山老句頻敲只樂得園居小

俞腔

黃花時節閒堦掃送詩來出榼絲饒水晶

簾影橫波照最難描是一幅西樓橐

尾文

坡公晚得華嚴妙慶厯文章誰愛熊把後

四聲猿都唱了

桂未谷後四聲猿近付梓人

雲生三疊前韻走筆爲答

南商調臨江仙

許大乾坤吟不了分明荀鶴才

高天風滿袖起飄蕭陽關三疊罷三唱醉溪螯

金索挂梧桐

弇山赤幟飄杜厦還嫌小吳會英

才誰不向長安笑疎松百尺條引荃橈與芟蓋

經過灞上橋數不盡孫洪

淵如稚存兩公

一輩尋詩到

都只爲節府名高士行陶神仙料又金石紛紛

四塞招消受得七發繁肴五石天瓢看倚劍崆

峒到

前腔

如今老柳條還覆三千鈞靜憩方壺車騎

聽馳道紅闌繞幾遭萬山均我欲把終南圖繪

付仙喬記應真對我微微笑你送酒高擎王母

桃無情惱梵鐘可應子胥潮當日個愛女攜嬌

鈴語風簫活塑得婁東貌

金勝寺五百羅漢龕山公與女公子均有

象其中

前腔

宣城風韻饒詩筆都官老第一仙根福慧

花長好茫茫宦海交快相邀有投轄陳生楚尾

遙

安康陳明府

最愛的龍門書法飛張草

江龍門明府

又

誰及爭坐

裁詩句調高

靖邊唐明府曾集爭坐位帖詩見貽

金尊

倒洞簫四子想勞勞須讓你初月驚梢殘月山

椒長短句驚人早

劉潑帽

牛頭寺外煙波好聽潼關河漲連宵城

南韋杜天黏草酒星搖渾不辨蘋和蓼

俞慙名經千佛超凡表雨兼風屑屑騷騷一般

鴈塔題諸老恁推敲文士大武夫小大小鴈塔分文武題

名



箭勝文章橫把千人掃  
忒可憎員外花饒華罔

莢泝生斜照筆重描  
我獨愛王維橐

隄文

阿瑛那曉聯吟妙

謂荃士

疊錦重重眞受瞧

將隴樹關雲摹徧了

小重山房詩續錄跋

詩之有雲間猶文之有桐城也自乾嘉以來以  
青浦王侍郎蘭泉先生爲一大宗而溫公繼  
之然侍郎從征緬甸干戈戎馬間不能無憂勞  
憤激之語出以變調公敷歷中外自道塗行役  
以至登臨宴飲賓朋贈答皆安和渾雅儼然皇  
華四牡鹿鳴魚麗之遺意蓋其所處不同也前  
錄十九卷板片燬於兵燹將俟重刊詰嗣詞甫  
農部先彙丁未以後諸集印爲續錄屬志緣起

文虎昔年嘗一接公顏色於橫雲山莊怡怡有  
容真大臣之度今讀斯集如親謦欬矣光緒元  
年花生日南滙後學張文虎拜識

雲間詩文盛於乾嘉上海趙損之青浦王述庵  
斐姚春水諸前輩均見稱於時而我華亭張溫  
和公繼之公自幼聰慧十二歲即能詩比長而  
益進中年服官京外道塗游歷賓朋倡和所作  
益多道光庚寅裒生平所作得詩十六卷駢散

體文二卷

一名篋餘集

賦二卷詞三卷試帖一卷刻

爲小重山房初稟旋增庚辛之作爲詩十七其

十八以下五卷

一名轉漕集一之五

壬辰以後督漕山左

之作也先後共三十卷

此以今所見者而云若以時考之丙申秋始已

亥夏止此三年中當另有轉漕六集及丁外艱  
居家時所作各一卷今皆未見僅有選刻之末  
偶見迨丁酉秋奉外諱旋里校刊其尊人紅椒  
一館詩詞選成將前刻之初稟倩姚春木毛申  
甫王海客三先生詳加圈點選錄爲十二卷重  
刻成書其嘉慶己巳以前少作都不錄是以文  
賦試帖不復刻也庚子服闋後宦遊汴粵陝甘  
以及晚年旅京之作又得詩十六卷詞曲三卷  
文一卷刻爲詩船續彙仿唐人小集之例各以  
官階行事署其名其間乙巳夏復奉內諱因將

刻成之詩續一二詞續謬鸞吟橐桂勝集外集  
並白舫集板七卷携以歸與初錄同度於家庚  
申之役俱付一炬迨同治壬戌正月公薨於位  
而集之僅存者十二卷耳其後人因就板之所  
存者爲小重山房詩續錄南匯張嘯山先生序  
而印行其所稱前集十九卷卽指戊戌選刻之  
初錄十二卷並續橐被燬之首七卷也有志補  
刊因循未果今春公之外孫趙增瑛耿道冲兆  
珠程祖福龐樹典樹階樹韓翁麟孫  
恐舊本散

佚爰偕嚴

昌埳謝葆鈞

張端瀾錢銘江

黃承恩

耿善勛

張功煥

翁之廉

諸君詳加蒐討將此十

九卷重彙以成完璧計初錄十二卷續彙二十

卷總名之曰小重山房詩詞全集

補同

亦忝預

校讐之役刻既成因述其概如此云已未膺八

日後學雷補同謹識